

10 MAR 1998

AGONG DAN MAHATHIR UCAP TAHNIAH KEPADA SUHARTO

KUALA LUMPUR, 10 Mac (Bernama) -- Yang di-Pertuan Agong Tuanku Ja'afar dan Raja Permaisuri Agong Tuanku Najihah hari ini mengucapkan tahniah kepada Presiden Indonesia Suharto dengan pemilihan semula beliau untuk penggal ke tujuh.

"Beta percaya Bapak Presiden akan terus menerajui kepimpinan negara dan rakyat Republik Indonesia ke arah peningkatan kemajuan dan kemakmuran," titah Seri Paduka dalam satu kenyataan yang dikeluarkan Wisma Putra di sini.

Tuanku Ja'afar yakin Presiden Suharto dapat mengatasi dengan jayanya segala cabaran ekonomi yang dihadapi negara itu dan terus maju di masa hadapan.

Perdana Menteri Datuk Seri Dr Mahathir Mohamad yang turut mengucapkan tahniah kepada Presiden Suharto yakin Malaysia dan Indonesia dapat meneruskan kesinambungan hubungan dan kerjasama yang telah lama terjalin.

"Saya percaya Indonesia dan Malaysia akan terus tabah menghadapi segala cabaran dan berharap kedua-dua negara akan terus mempertingkatkan usaha menangani segala apa permasalahan jua," katanya.

Dr Mahathir juga berharap tali persahabatan dan silatulahim yang sedia terjalin di antara Malaysia dan Indonesia akan dipereratkan lagi. --

BERNAMA

NZ RON